



## Bon Nadel

“ BON NADEL... ”

Bon Nadel ma brot e bel,  
bon Nadel ma chi sta mel,  
ma chi n'ha gnench da magnè  
e is rabata tot al de,  
per zarchè da tirè aventi  
com che fa na masa ad zenti  
Bon Nadel mi pori vecc,  
senz nisun cui guerda a t'iocc  
ma ch'è rest senza lavor  
ma chi viv senza l'amor  
ma chi in guerda mai in elt  
testa basa e cor arbelt  
ma chi mor travers di mer  
per scapè via dal guer  
da la fema ch'un s'ved lom  
perchè a i'em rubè tot non  
ma tot quei che i n'ha la chesa  
gnech sperenza e gnench valisa  
ma chi zovni ch'em tradì  
insignendi sol d'rubì  
ma tot quei che ilà da Roma  
ogni de in cumben ona

per purtes du ca sem riv  
ormai senz più mutiv  
per sperè cl'Italia la sia  
cum che dis quel sla busia  
quel che zcor e zcor e un fà  
e tot quant al savem zà  
che uf fa prest a taiè tot  
guerda te com ca sem rdot...  
ma st'Italia tenta bela  
mai nisun ch'voia salvela  
anzi i studia tot i modi  
da butei baston tra al rodi  
Bon Nadel ma chi che pianz  
Da parlò durent e pranz  
Perch l'è rest senz più nison  
Sa dreint l'alma senza lom  
Bon Nadel a me mi mer  
Che ogní de a vagh truvel  
Ma la sabia ad cozli d'or  
Che se sol a gl'è un splendor  
Ma chi pess che i nuda e i và  
Senz pensier tra gl'ondi ilà  
Mi gabien che ii dis cuchel  
Perchè i verza sempre a gl'el  
E che is vola lebri in elt  
Per la gioia ad nuielt  
Bon Nadel, ma tot ancora  
Perchè us cambi in mei cl'è ora...

Luciano Monti "Natale 2014"

[Read More](#)

---